



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

An Regularis sine licentia Episcopi praedicare possit. C. XIII.

urn:nbn:de:hbz:466:1-11401

Concilij teste eodem Barbof. loco proxime citato fol. 57.

13 Neque possunt sacerdotes regulares audire confessiones sacramentales mulierum tertij ordinis, quæ de penitentia dicuntur, nisi ab ordinario approbati fuerint ad confessiones secularium audiendas; nec possunt illas in paschate communicare *ex decreto Sac. Congreg. Episc. & Regul. quod refert Lezan. in Summ. 99. reg. to. 2. cap. 14. num. 29. & 34.*

An verò sacerdotes regulares possint audire confessiones viro- rum Tertij Ordinis Collegialiter, aut cum claustralibus viuentium? affirmat Lezan. *loco cit. d. num. 34.* etiam si ab ordinario approbati non fuerint: subdit tamen ibidem, quod Regulares huiusmodi tertiaris extra conuentum non possunt alia sacramenta ministrare, præter sacramentum penitentia.

14 Quæres, an possit Episcopus licentias audiendi confessiones Regularibus concessas reuocare? Resp. quod si Regulares præiudice examine liberè approbati fuerint, non possunt ab eodem Episcopo suspendi, nisi ob non seruatum interdictum ab ipsis Ordinarijs positum, vel ob aliam nouam causam ad confessiones pertinentem, quam tamen Regularibus non tenetur Episcopus significare, *ut declarauit Urbanus VIII. in Constit. incip. Alias à nobis, & censuit Sac. Congregatio, ut refert Barbof. de offic. & potest. Episc. par. 2. all. 25. num. 50. & post 3. p. eiusdem tractatus fol. 57. & 122.*

Limita in Episcopo successore, qui pro maiori conscientia suæ quiete potest iterum ad examen vocare approbatos ab Episcopo predecessore, & quos idoneos minime inuenerit, reijcere *iuxta constitutionem Pij V. incip. Romani Pontificis providentia, ac dicta constitutione Urbani*: nequit tamen confessionum audiendarum facultatem omnibus simul vnius Conuentus regularibus Confessarijs Sac. Congregatione inconsulta adimere, *ut resoluit eadem Sac. Congreg. teste Rio. in Prax. for. eccles. par. 4. ref. 71. Barbof. d. all. 25. num. 45. & seq. ex quo infert Lezan. in Sum. to. 1. cap. 19. num. 9.* quod si omnes vnius Conuentus simul ab audiendis confessionibus suspendantur, non tenentur obedire, quia in tali casu ordinarij excederent limites auctoritatis, quam habent.

Si verò huiusmodi licentiæ ad beneplacitum concedantur, possunt etiam absque vlla causa reuocari, *ut dicunt DD. apud Barbof. d. all. 25. num. 55. & seq.*

15 His adde, quod approbatio Confessariotam regularium potest ab ordinarijs iusta, & rationabili causa concurrente restringi, ac limitari ad certum tempus, locum, atque personas *ex dicta Constitutione Urbani VIII. ac declaratione Sac. Congreg. quam refert Barbof. ibi supra nu. 51. Lezan. in Sum. to. 1. d. cap. 19. nu. 8.*

S V M M A R I V M.

1 Regulares, antequam prædicent, se personaliter coram Episcopo presentare, ac benedictionem

pete.

- petere debent.*
- 2 *Quando licentiam Episcopi obtinere teneantur.*
- 3 *In ecclesijs suorum ordinum sufficit, si Regulares benedictionem ab Episcopo petant, licet illam non obtineant.*
- 4 *An Episcopus possit Regulares predicatorum examinare circa doctrinam.*
- 5 *An Regularis predicans sine licentia vel benedictione Episcopi possit ab eodem Episcopo puniri.*
- 6 *Quando possit Episcopus Regularibus predicationis munus interdicare.*
- 7 *Regulares ea hora, vel tempore, quo Episcopus predicare voluerit, predicare nequeunt.*
- 8 *A quo sit puniendus Regularis benefices predicans.*

C A P. XIII.

An Regularis sine licentia Episcopi predicare possit.

- 1 **R**egulares etiam in ecclesijs sui ordinis predicare non possunt, nisi a suis superioribus examinati, & approbati se personaliter coram Episcopo presentauerint, & ab eo benedictionem petant; in ecclesijs vero, quae sui ordinis non sunt, ultra licentiam suorum superiorum, etiam Episcopi licentiam obtinere debent, ut statuit Concilium Tridentinum sess. 5. de ref. cap. 2. tradicente vero Episcopo neque in ecclesijs suorum ordinum prae-

dicare possunt, ut ex eodem Concilio sess. 24. de ref. cap. 4. & nouissime statuit Greg. XV. in constit. que incip. Insuperabili.

3 Ex quo obseruant DD. quod in ecclesijs sui ordinis sufficit, si Regulares benedictionem ab Episcopo petant, licet illam non obtinuerint ita, ut si Episcopus non modo benedictionem non concesserit, verum etiam Regularibus prohibuerit, quominus praedicent, adhuc illis liceret in sui ordinis ecclesijs praedicare ex constitutione Urbani VIII. incip. Alias a nobis, quam refert Barbosa post. 3. par. tractatus de offic. & pot. Episc. constit. 67. & censuit etiam Sac. Congregatio teste Vulp. in Prax. iudic. cap. 42. nu. 3. Lezan. in sum. qq. reg. tom. 1. cap. 20. nu. 3.

4 Obseruant 2. quod si alicubi longo vsu obtentum esset, ut regulares Praedicatorum examinentur ab Episcopo circa doctrinam, talis consuetudo esset seruanda, quia decretum Concilij loco cit. vbi huiusmodi examen Superioribus Regularibus committitur, non inficit consuetudinem in contrarium, ita Campan. in Diuers. Iur. canon. nu. 12. c. 13. num. 9. quem refert, & sequitur Barbosa de offic. & pot. Episc. par. 3. art. 76. num. 23. in fin.

Addunt alij, posse Episcopum etiam seclusa consuetudine examinare Regulares, qui in ecclesijs, quae suorum ordinum non sunt, praedicare voluerint, & ita seruari in praxi dicit Dian. par. 3. tract. 2. ref. 111. in fin. & censuit etiam Sacra Congregatio apud Le-

zan. in sum. qq. reg. tom. 3. ver. con-
ditionator regularis num. 7.

5 **Observant 3.** Regularem prædicantem absque Episcopi licentia non ab Episcopo, sed a suo superiore puniendum esse, *ut est*
scilicet Sac. Congregatio teste Piaſec. in Prax. par. 2. cap. 3. num. 47. Ricc. in Prax. for. eccles. par. 3. resol. 169. hodie tamen per dictam constitutionem Greg. XV. Episcopus quoscunque exemptos tam seculares, quam regulares, qui sine eius licentia, aut non petita illius benedictione, aut illo contradicente prædicare præsumpserint, censuris ecclesiasticis, aliisque poenis puniri potest, *ut notat etiam Vulp. in Prax. iudic. c. 427. 3. Lezan. in sum. tom. 1. cap. 20. nu. 3. Dian. par. 3. tr. 2. ref. 111.*

6 **Observant 4.** posse Episcopum prædicationis manus interdiceret Regularibus, qui ecclesie Prælati, aut Principibus secularibus detrahunt, vel scandala, aut errores disseminaverint, etiam si in monasterio sui, vel alterius ordinis prædicent, *ut ex Conc. d. sess. 7. cap. 2. Rodriq. tom. 3. qq. reg. q. 32. art. 2. Zerol. in ver. prædicatio vers. ad sextum Cened. pp. qq. 9. 26. n. 14.*

Addunt alij, Episcopum, etiam ex alijs causis sibi bene visis, posse Regularibus prædicationis officium interdiceret *iuxta Concilium d. sess. 24. de ref. cap. 4. ibi, contradicente Episcopo & c. idem. declaratum fuisse à Sac. Congregatione Concilij dicit Leo in sua Prax. par. 1. cap. 8. num. 9. quem refert Piaſec. in Prax. Episc. par. 2. c. 3. num. 41. vers. si idem. ita, ut non*

teneatur Episcopus causas huiusmodi Regularibus significare *ex constit. Urbani VIII. incip. Alias à nobis.*

7 **Observant 5.** Regulares neque in Plateis communibus, neque in ecclesijs suorum ordinum prædicare posse ea hora, vel tempore, quo Episcopus prædicare voluerit, *Rodriq. tom. 3. qq. reg. q. 32. art. 1. & 5. Barbosid. par. 3. all. 762. num. 20. ubi ita intelligit decretum Concilij d. sess. 24. cap. 4. S. nullus Dian. par. 3. tr. 2. ref. 58.*

8 **Ultimò observant,** Regularem hæreses prædicantem non a suo Prælato regulari, sed ab Episcopo esse puniendum iuxta iuris dispositionem *cap. ad abolendam de Hæret. Conc. Trid. d. sess. 5. de ref. cap. 2. glos. in clem. vn. ver. à iure de excess. Prælat. Cened. pp. qq. ca non. q. 26. nu. 29. & alij apud Barbos. de offic. & pot. Episc. par. 3. all. 76. num. 49. & all. 103. nu. 56.*

S V M M A R I V M:

1 Regularis extra Monasterium degens si delinquat, ab ordinario puniatur.

2 An hoc procedat in Equitibus Hierosolymitanis, ibidem.

3 Quid si Regularis commoretur in aliquo membro, seu grangia sui monasterij.

4 Et quid, si ad breve tempus extra claustra commoretur.